

جريدة محاكم

جمعه ايرتسى

نومرو	ربيع الاول	سنة	ايلول	سنة	صحيفة
۷۳۵	۶	۱۳۱۱	۴	۱۳۰۹	۱۰۸۷۷

(اشبوغزته بهر هفته جمعه ايرتسى كونلرى چيقار . سنه لىكى درساعات ايچون مجيديه يكرمى غروش)
 (حسابيله التمش غروشدر . طشره لر ايچون اون بش غروش پوسته اجرتى ضم اولنور . بهر)
 (نسخهنى ينه مجيديه يكرمى غروش اولق اوزره يوز پاره به هر يرده صاتيور . درج اولنه جق)
 (اعلا ناك هر برندن بر مجيديه اخذ اولنور . سنه لىكنه مشترى اولق استيانلر عدليه نظارتى)
 (دائره سنده كائن جريده محاكم اداره سبه مراجعت ايلمليدر)

قسمت رهمى

(فى ۲۵ صفر سنه ۳۱۱ و فى ۲۶ اغستوس)
 (سنه ۳۰۹ تاريخنده بالجله ولايات استيناف)
 (محكمه سى مدعى عموميلرينه و مدعى عمومى)
 (بولنيان محللر مدعى عمومى معاونلرينه)
 (يازيلان تحريرات عموميه صورتيدر)

تميزى استندا قلنان اعلامات حقوقيه نك
 تاخير اجراسى تميز عرض حاليله متفرمانك محكمه

تميز استندا دائره سنجه مدت وشروط قانونيه سنه
 موافق كورينه نك قبولنه و محكوم به اچه ويا اموال
 منقوله دن ايسه ديپوزيتو صورتيله ويا كفالت
 معتبره ايله تايمين ايديله نك تاخير اجرا علم وخبرى
 استحصالنه متوقف اولدني حالده طشره محكمه -
 لرينه اكثريا مهل وشرايط قانونيه سنه غير موافق
 ويا خود تايمينادن عارى ويا قابل تميز اولميان بر
 قرار قرينه عليه نده تميز استنداسى اعطاسيله
 معاملات اجرائيه و محاكمات جاريه تاخير وتعطيل
 اينديرلر كدن ماعددا مستدير وقت قزمانق
 ارزوسيله تميز عرض حاللر ني تعقيب وقانونا اكالى


لازم اولان بعض شرائط و یا رسوم تمیز بهی
اکال ایتیموب بوبیده محاکم مذکورہ ریاستلرینہ
وقوعبولان اشعارات و اخطاراتہ دخی وقت
وزمانیلہ جواب الہمامقدہ وشو حالدن متأثر
اولان دیگر طرف شکایات متوالیدن خالی اولماقدہ
اولدیفنہ بناء محاکم مذکورہ تمیز عرضحالی
ویرنلرہ بر موجب قانون استدعا دائرہسندن تأخیر
اجرا علم و خبری کتورمک اوزرہ بررہل مناسب
اعطاسیلہ علم و خبر کتورنلر حقدہ معاملہ اجرا -
سینک تأخیر و کتور میانلر حقدہ دوام ایتدیرلمسی
لزومی مقدم ومؤخر محررات عمومیه ایلہ توصیه
واشعار اولتسی اوزرینہ اگرچہ معاملات
مشروحہ اصولی دائرہسنة کیرمش ایسہده طشرہده
تمیز عرضحاللرینک رأساً و یا خود محاکم ابتدائیہ
رؤسای واسطہسیلہ محاکم استینافیہ ریاستلرینہ
اعطا و بوسرہده شرائط تمیز بهجہ بر نقصان
کور یلورایسہ محاکم ابتدائیہ و یا استینافیہ رؤسای
طرفلرندن احبابنہ اخطار و اوراق تمیز به
صورتلری دیگر طرفہ بالتبلیغ جوابنامہ ویرلدیکی
حالہ اخذ و ربط اولنہرق اوراقلک بہمہ حال
ایلک پوستہ به تودیعاً و معاملات واقعہ بی متضمن
مذکورہ لفاً محکمہ تمیزہ بعث و تساری اصول
محاکات حقوقہ نک ایکوز یکر می برنجی و ایکوز

یکرمی التبیجی مادہلری احکامندن اولدینی حالہ
قضا بدایت محکمہلری رؤسایسہ ویرلمکدہ اولان
عرضحاللرک نواقضہ و معاملہ تبلیغیہ وسائرہسنة
دقت و محاکم استینافیہ ریاستلرینہ مراجعت
اولتقسزین همان عادی برتحریرات ایلہ طوغریدن
طوغری به محکمہ تمیزہ ارسال اولتقدہ اولمسندن
وبناء علیہ ایش مخبرہ به دوشوب وقت وزمانیلہ
جواب الہمامسندن ناشی عرضحاللرک قبول و یا
ردی و قبول اولنانلردن محکوم بهی تأمین ایدنلرہ
علم و خبر اعطاسی خصوصلری دوچار عقدہ تأخر
اولہرق بو یوزدن شکایات اکسیک اولدینی کبی
بواننادہ اموال غیر منقولہ حقدہ حکم قطعی بی
حاوی اولان اعلاماتدن بعضیسنک تأخیر اجراسی
ایچون مهل معیندہ تأخیر اجرا علم و خبری
کتورلدیکی بہانہسیلہ محلنجه اجراسنہ قیام ایلہ
خلاف قانون معاملات دخی وقوعہ کلکدہ اولدینی
اشعارات و شکایات واقعہدن اکلاشلماقدہ بولتمش
وحالبوکہ رؤسای مومی الیہم طرفلرندن ذکر
اولنان موادقانونیہ احکامنہ دقت ورعایت اولدینی
صورتنہ تأخرات و مشکلات مبعوث عنہایہ محل
قالیہ جنی مثللو اموال غیر منقولہ حقدہ کی اعلاماتک
تأخیر اجراسی ایچون محکوم بہک کفالتنامہ ایلہ
تأمینی لازم کلیوب قانون مذکورک ایکوز

یکرمی دردنجی مادہسندن محرر اولدینی اوزرہ
یاکیز مدت و شروط قانونیہسنة موافق استدعا
ولایحہ ایلہ ضرر وزیان و مصارف محاکمہ بی
متضمن کفالتنامہ اعطاسی کافی اولندیفندن اموال
غیر منقولہ حقدہ حکم قطعی بی حاوی براعلام
اوزرینہ شرائط قانونیہسنة موافق عرضحال
ویریلہرک طرف خصمہ تبلیغ اولدینی و یا خود
بوشرائطک نقصانی اولوبدہ اکالندن امتناع
اولندینی تقدیردہ تمیز عرضحالی محکمہ تمیزدن
رد اولندیقہ محلنجه معاملہ اجراییہ تشبث
اولتق غیر جائز کورتمش اولدیفنہ مبنی بمد ازین
تمیز عرضحاللرینک مدت و شروط قانونیہسیلہ
اکال نواقض و معاملات تبلیغیہسی ایلہ محکمہ تمیزہ
صورت ارسال حقدہ قانون مذکورہ ایکوز
اون یدنجی مادہدن ایکوز یکرمی التبیجی مادہسنة
قدر مندرج اولان احکامہ دقت ورعایت اولنقلہ
برابر اقیچہ و اموال منقولہ حقدہ حکم قطعی بی
حاوی اولان اعلامات ایلہ صلاحیت و سرورزمانہ
دائر اولان اعلامات علیہندہ تمیز عرضحالی اعطا
ایدنلرہ کماکان محکمہ تمیزدن تأخیر اجرا و یا خود
قبول استدعا علم و خبری کتورمک اوزرہ مهل
مناسب اعطا و علم و خبر کتور میانلر حقدہ معاملات
اجراییہ و اکال محاکمہ تشبث اولنہرق فقط

بونلردن استدعاسنک شرائطی و یا رسوم تمیز بهی
بوراجہ نقصان کورینوبدہ اکال ایتدیرلمسی
خصوصی محلنہ یازیلہرق اکالندن امتناع ایتیمان
مستدعایلر ایلہ محلی محکمہسنة تأخیر اجرا خرجی
ویردرک علم و خبر جللی طلبندہ بولنان مستدعیلرہ
ویریلان مهللرک بورادن اشعار وقوعنہ دکن
تمدید ایدلمسی و اموال غیر منقولہ حقدہ حکم
قطعی بی حاوی اعلامات اوزرینہ ویریلان تمیز
عرضحاللری محاکم مذکورہجہ ذکر اولنان
مواد قانونیہ احکامنہ موافق کورلدیکی و تمیز علیہ
جانبہ تبلیغ اولتمش بولندینی تقدیردہ محکمہ تمیز
استدعا دائرہسندن ردی حاوی برقرار اعطا
واحد طرفیندن محلی محکمہسنة ابراز و اراءہ
اولندیقہ و یا خود اکال نقصان حقدہ کذلک بورادن
وقوعبولان اشعارہ توفیقاً اکال نقصاندن امتناع
وقوعبولمدقہ اجرا قلنامسی و برده تمیزی طلب
اولنان اعلاماتدن بر چوغنک تاریخلریلہ
عرضحاللردہ کوستریلان تبلیغ تاریخلری ارسندہ
خیلی فرق و تفاوت کورینہرک لدی التحقیق تبلیغ
تاریخنک عرضحالہ خلاف واقع صورتنہ
کوسترلدیکی تبیین ایتمکدہ و عرضحاللرک محلی
محکمہسنة قننی تاریخندہ ویرلدیکی ارساللرینہ دائر
اولان مذکورہ و تحریرا لردہ کوسترلماکدہ

و كفالتهاملك مقاولات محررلرینه تصدیق
ایتدیرلمسندن مقصد كفیلک اعتباری رسماً مصدق
اولمق قضیه سی اولدینی حالده محررلرك بعضیسی
یالكر امضالری تصدیق ایدوب كفیلک اعتبارینه
دائر برشی بیان ایتامكده و اوراق تمیزیه سنك
اعطاسندن بر خیل زمان مرورندن صكره
كوندرلمكده اولدینی كی رسوم تمیزیه محسوباً
محلنجه اخذ وارسال اولنان اقیچهك نقصانی
ظهور ایدرك محلندن طلب اولدینی صروده اصحابی
در سعادت كلوب ارسال اولنان مقداردن زیاده
ویردكرینه دائر یوصله و علم و خبر ابراز ایلمكنده
و تمیز عرض حاللری ایله متفرعاتك باتدقیق قبول
ویاردی استدعا دائره سنه عائد وظائف جمله سندن
و بناءً علیه اوراق مباحوث عنهابك طوغریدن
طوغری به استدعا دائره سنه ارسالی و بونلره
متفرع هر نوع تبلیغات و معاملاتك استدعا دائره سنه
اشعارى مقتضیات قانونیه دن ایكن بعض مستدعیات
و معاملات ایچون حقوق دائره سنه ویا مواقع
سائریه مراجعت اولنمقده اولمسی دخی خیل
مشكلات و تاخراتی مستلزم اولمقده اولوب
بوجهتلرنده تأمین حسن جریان لازمه دن اولغله
بوندن بویله تمیز عرض حاللرنده كوستریلان تبلیغ
تاریخلری خلاف واقع كورلدیكى تقدیرده اولیابده



قسم غیر رسمی

(منتشا بدایت محكمه سندن تجارت صفی)
(۱۱۹ شباط سنه ۳۰۷ تاریخی و سكران درت)
(عددی ایله استینافاً و بریلان اعلامك مابعدی)

کریاقویه کفیل اولمسی جهتیله طولایسیله دعوی
مذکورده منفعت ذاتیه سی بولندیغندن بختله در میان
ایلدیكى رد اعضا اعتراض مدعی عمومی معاونی وکیلنك
حضور یله بالذاکره زد ایدلدکن صكره جریان ایدن
حاکمه ده مستأنف مرقوم مصطفی افانك مستأنف علیه
سعید افندیك امر و حواله سیله ابراهیم نام کسنه یه
یدی یوز یکر می درت و شریف افندی ییدی بیک
بشیوز طقسان طقوز واحد افندی یه بیک اوچیوز
غروش ایله بیک اوچیوز یتیش ایکی غروش یکر می
پارهلق خطه و معلوم المقدار مصر و چودار
و موسوی اسحاقه درت بیک بشیوز الی الی
غروش و حاجی عبدالبايه درت بیک درتیوز یکر می
الی غروش اون پاره و یرمش اولدینی کبی
مومی الیه سعید افندیك منافع صندوقه اولان
اون بر بیک کسور غروش ذمتی دخی شرکت

صندوقندن تسویه اولندیغندن بختله بوندن
حصه سنه اصابت ایدن بش بیک کسور غروشك
مبلغ مدعا یه اجرای محسوبی حقنده در میان
ایلدیكى ادعای مومی الیه سعید افندیك انکارینه
مبنی اصولاً انبساطدن اظهار عجز ایله خصمنك
تحلیفی طلب ایتیش و سعید افندیك صرف کندیسنه
عائد اولمق اوزره کولچکلی اوغلندن استقراض
ایلدیكى حالده مشترک بوج کوستریله رك شرکت
صندوقندن تسویه ایدیلان اون درت بیک کسور
غروش شرکتك بوجی اولدینی و نیه و له یه
صاتیلان باغ اثمائی اولان اون درت بیک کسور
غروشك مومی الیه سعید افندی ایله دیگر شریک
طرفندن الدینی حالده مبلغ مزبورك دخی شرکت
صندوقنه تسلیم اولدینی تفریق محاسبه جدولنده
محرر اولوب انجیق بویابده کی اقرارنده کاذب
اولدینی ادعا ایلمسی اوزرینه مومی الیه سعید
افندیك کافه سی حقنده اصولاً تحلیفی اجرا
قلندیکی کبی امر یله شریف اغایه کوندریلان
مبالغ ایله امانه و یرلدیكى ادعا اولان مبالغك
دخی اعلام ابتدائیده محرر اولدینی اوزره بالقبول
بوجی اولدینی ذکر اولمش و بویاسه اقرار
دیك بولمش اولدیغندن مذکور اون بیک
غروشله مومی الیه سعید افندیك بالانکار یمین

ابتدیی مبالغ محرره سائر دین طولای مرقوم
مصطفی اغانک رد اداسنه و سالف الذکر اون اوچ
بیک یوز طقسان اوچ غروش یکر می طقوز باره
ذمتی اولدینی تحقق ایش اولدیندن مبلغ مذکورک
مرقوم مصطفی اغانن تحصیلنه و مستأنف علیک
ادما ایلدیکی ذخائر بدلنک بر قسمی انکار و بر
قسمی اهالی اوزرنده بقایا اولدینی اقرار ایتمی
واصولاً اثباتدن اظهار عجز ایدرک طالب تحلیف
دخی اولماسی جهتیه ذخائر مذکور دخی
اهالیدن ارامسنه حکمدن و مستدعی تمیز وکیلنک
اشبو اعلام علیهنده باشلوجه اعتراضی بومقوله
دعاوینک میز لر معرفتیه فصل و حل ایتدیرلمی
احکام قانونیه اقتضاسندن اولدینی حالده محکمه جه
بوراسنه دقت اولنیه رقی کیفیتک اعضا بر یسنه
حواله سیله شرکت محاسبه سنک محکمه جه تدقیقنه
کیریشلمی مخالف قانون اولدیندن بجنله اعلامک
نقضی استداسندن و مدعی علیک لایحه سنده
مندرج نتیجه جوابی حکم واقعک تدقیقاته مبتنی
و موافق قانون اولدینی بیانیله تصدیق طلبندن
و معاون مومی الیهک مطالعه سی دخی رد اعضا
حقنده عندالاستیناف درمیان اولنان اعتراضک
ردی طلب اولنان اعضانک عدم مداخله سیله
بالمذاکره تحت قراره النسی احکام قانونیه

ایجابی مذاکره اولندقدن مندرجات اعلامدن
مستفاد اولدینی اوزره دعاوی واقعیه طرفین
بیننده کی شرکت محاسبه سنندن متولد اولسنه
و بومثللو شرکت مصلحتندن طولای بین الشریکا
واقع اولان هر درلو معارضه میز لر معرفتیه رؤیت
و فصل اولنه جنی قانوننامه تجارتک قر قبی ماده سی
حکمی اقتضاسندن اولدینی حالده درجه اولی
محکمه سنججه ماده مذکوره مفاد صریحی نظر دفته
النهرق موجب سنججه معامله اولنماسنه مبنی
عندالاستیناف اعلام مستأنف بهک فسخیه منوال
مشروح اوزره معامله ایدلک اوزره کیفیتک
محکمه مذکوره به اعاده سی مقتضی اولدینی حالده
بوراسنه دقت اولنیه رقی اسباب سائر دین طولای
اعلام ابتدائیک فسخ ایدیلرک دعوانک استینافاً

رؤیت و حکم اولنسی یولسز و قانونه مغایر
و مستدعی تمیز وکیلنک اعتراضی دخی بوجهته
متداثر اولسیله شایان قبول اولوب معاون مومی الیهک
مطالعه سی موافق نفس الامر بولندیقنه مبنی اصول
محاکمه حقوقیه قانوننک ایکوز اونوز ایکنجی
ماده سی موجب سنججه اعلام مذکورک تقضیه قانون
من بورك ایکوز قرق دردنچی ماده سنه توفیقاً
کیفیتک صورت مشروحه دائره سنده اعلامه
ر بطی ضمننده محکمه مذکوره به اعاده سنه وزیرده
مفرداتی مرقم اوچ یوز طقسان طقوز بحق غروش
مصارف محاکمه نیک ایلروده حق سز چیه حق
طرفه رجوع ایتک اوزره اول امرده مستدعی
تمیزدن اخذیننه ۱ مایس سنه ۳۰۹ تاریخنده
متفقاً قرار ویریلرک تفهیم قلندی .

اعلام مذکورک خلاصه مالی مرقوم بغوصک
من بورك قره بت ایله مشترکاً استیجار ایلمش
اولدقیری قاز آباد ناحیه سنده کائن ملت چفتلکنک
مقاوله موجب سنججه معلوم المقدار اراضی سنک هرکی
مصارفندن طولای مرقوم قره بت ذمتنده مطلوبی
بولنان اون ایکی بحق لیرای عثمانینک تحصیلی حقنده
توقاد تجارت محکمه سنندن استیصال ایلدیکی اعلام
غیابی علیهنده مرقوم قره بت طرفندن اعتراض
علی الحکم عرض حالی اعطا قلنمی اوزرینه اجرا
قلنان محاکمه و تدقیقات و جاهیه نتیجه سنده
چفتلک مذکوردن بر موجب مقاوله درت کیل
ایکی ر بلنی و اوچ ربع تخم استیباب ایدر محکک
مرقوم قره بت طرفندن قره هرکنک اجراسیله
مرقوم بغوص اغایه تسلیمنه قرار ویرلدیکندن

توقاد تجارت محکمه سنندن ۸ حزیران
سنه ۹۸ تاریخی واون بر عددی ایل ویریلان

و مستدعی تمیزك اشبواعلام علیهنده لایحه سنده
محرر اعتراضاتك باشلوجه سی دعوی واقعہ
چقتلك اراضیسی هر كنه متدار اوله رق مواد
حقوقیه دن بولندینی جهتله فصل ورؤیتی حقوق
عادیه محكمه سنده عائد اولدینی حالده محكمه
مذكوره جه وظیفه خارجنده رؤیت ایدلمسی مغایر
قانون اولدیغندن بختله اعلامك نقضی استدعا سندن
و تمیز علیك لایحه سنده مندرج نتیجه جوابی
اعتراض واقع غیر وارد بولندینی بیانیه موافق
اصول و قانون اولان اعلامك تصدیق طلبندن
و معاون موالیهك مطالعه سی دخی دعوی واقعہ
ایجار و استیجاره و زراعت شرکته متدار اوله رق
معاملات تجاریه به تماس ایدرجهتی متضمن اولدیغنه
مبنی وظیفه حقنده کی اعتراضك موافق قانون
اولدینی بیانندن عبارت بولمشد.

ایجابی مذاکره اولندوقده اعلام مذکور
مطالعہ سندن منقهم اولدینی اوزره دعوی واقعہك
طرفینك استیجار ایتیش اولدقلری چقتلك
اراضیسی زراعتنه متعلق اوله رق مواد حقوقیه دن
بولنسنه كوره محكمه مذكوره جه رؤیتندن صرف
نظر ایله عائد اولدینی حقوق محكمه سنده حواله سی
لازم کسور ایکن بوجهته دقت اولغیه رق خارج

صاری شعبان بدایت محكمه سندن ۲۴ تموز
سنه ۳۰۷ تاریخی ایله صادر اولان اعلامك
تمیزی صاری شعبان قضاسی داخلنده قوج
اوغللری قریه سنده مقیم چاقراوغلی منلاحسن اغا

استدعا ایتدیکی حالده یوم معینده دائره یه کلدیکندن
تمیز علیه زراعت بانکسی و کیلی اوخانس افندیك
ایضا حات شفاهی سیله باش مدعی عمومی معاونلرندن
سماعتلو یورغاکی افندیك مطالعه سی استماع
قلندقدن صکره تدقیقات تمیزی به اجرا سنده
ابتدار اولندی.

اعلام مذکورك خلاصه مالی مذکور چاقرا
اوغللری قریه سی امامی حسین افندیك ملغا قواله
منافع صندوقه برقطعه سند موجبجه مع فائض
دینی بولنان بش بیک ایکوز الی سکر غروش
اوتوزدردت پارهك مدیون مومی الیه ایله کفیللری
بولنان منلا حسن و ابراهیم و متوفی قوطه حسین
ورنه سندن تحصیل حقنده صاری شعبان زراعت
بانکسی و کیلنك اقامه ایلدیکی دعوانك مومی الیه
امام حسن افندی و ابراهیم اغانك و جاهدنده و منلا
حسن اغا و قوطه حسین ورنه سندن علی اغانك
غیابنده سبق ایدن محاکمه سی نتیجه سنده مومی الیه
امام حسن افندی اصل مدیون منلا حسین اولوب
کندوسی کفیل ایدوکنی اقرار و کفیللردن
ابراهیم اغا ایله غائبلك محافظه حقوقلری ضمننده
تعیین ایدیلان وکیل مسخر جانبندن دخی سندده
موضوع مهرلر انکار اولغیش اولمسیله مدعی

ایجابی مذاکره اولندوقده اعلام مذکور
مدرجاتندن اکلاشلدینی اوزره مبلغ مدعا بی
ناطق اولان سندك کفالت شرحنده کفلاهی

ایجابی مذاکره اولندوقده اعلام مذکور
مدرجاتندن اکلاشلدینی اوزره مبلغ مدعا بی
ناطق اولان سندك کفالت شرحنده کفلاهی

از نیه بدایت محکمه سندن ۲۷ تشرین ثانی
سنه ۳۰۶ تاریخی و یکریمی اوچ عددی ایله
ویریلان اعلامک تمیزینی استعدایدن از نیه
قضاسنه تابع قوم غیر محصور کاللی قریه سی اهالیسی
وکیلی اسماعیل الیاس افندی یوم معینه دائره یه
ککش ایسه ده تمیز علیه قضاء مذکور داخلنده
قوم غیر محصور قوچعلی قریه سی اهالیسی وکیلی
لاز اوغلی احمد اغا کلدیکندن وکیل مومی الیهک
ایضاحات شفاهیه سیله باش مدعی عمومی معاونلرندن
سمادتلو یورغاکی افندینک مطالعه سی استماع
قلندقدن صکره تدقیقات تمیزیه اجرا سنه ابتدار
اولندی .

اعلام مذکور خلاصه مالی قریتین
مرقومین اهالیسی بیننده متحدث مرعی دعا سندن
طولای مذکور قوچعلی قریه سی اهالیسی وکیلی
مرقوم احمد اغاک من بور کاللی قریه سی اهالیسی
علیهنده استحصا الیدیکی اعلامده اجرت وکالتک
مندرج بولنامسنه منی وکالت اجرتی اوله رق
مذکور کاللی قریه سی اهالیسندن ایکی بیسک
غروشک تحصیلنی طلب و دعوی ایتسنه قارشو
قریه مرقومه اهالیسی ایله امام و مختارانی دخی
اهالی قریه نک قوم غیر محصور اولسی حسیله

مرقومه نک مشترک کفیل اولدقلری محرراولوب
هر برینک آخرک ذمتنه تعلق ایدر مبلغه کفالتنه
دائر بر قید و صراحت اولدیغنه کوره مجله نک
التیوز قرق یدنجی ماده سنک فقره ثانیه سی موجبنه
کفلای مرقومه نک مبلغ مذکور دن حصه لرینه
اصابت ایدن مقدارک تحت حکمه النسی لازم
کلور ایکن محکمه جه هر برینک مجموع دین ایله
محکومینه قرار ویرلمی مغایر قانون اولدیغندن
اصول محاکمه حقوقیه قانونک ایکوز قرق برنجی
ماده سی موجبنه اعلام مذکورک تقضیه قانون
مذکورک ایکوز قرق دردنچی ماده سی موجبنه
کیفیتک یکیدن بالرؤیه اعلامه ربطی ضمننده
محکمه مذکوره یه اعاده سنه وزیرده مفرداتی محرر
اوچبوز طقسان طقوز بچق غروش مصارف
تمیزیه نک ایلروده حقسنر حقیقه جق طرفه رجوع
ایتمک اوزره اول امرده مستدعی تمیز منلا
حسنندن النسنه ۱۷ تشرین ثانی سنه ۳۰۸ تاریخنده
متفقاً قرار ویریلرک تفهیم قلندی .

مبلغ مذکورک افراد اهالیدن بشقه بشقه دعوی
ایدلمسی لازم کله جکینی تذکار ایتشلر ایسه ده
محکمه مذکوره جه اجرا قلنان محاکمه و تدقیقات
نتیجه سنده مدعی علیه مک قوم غیر محصور اولسی
کندولرندن بشقه بشقه دعوی ایدلمسی استلزام
ایتمه جکندن بختله مبلغ مذکورک مرقوموندن
تحصیلنه حکمدن و مستدعی تمیز کاللی قریه سی
وکیلی اسماعیل الیاس افندینک اشبواعلام علیهنده کی
اعتراضاتک باشلوجه سی اجرت مذکوره نک
برمقاولیه مبتنی اولوب اولدینی محکمه جه تدقیق
اولنقسزین تحصیلنه حکم اولنسی مغایر قانون
اولدیغندن بختله اعلامک نقضی و مدعی علیه مک
وکیلک لایحه سنده مندرج جوابی اعتراض
مذکور واهی و حکم و اعلامک موافق قانون
اولدینی بیانیله تصدیق استدعا سندن و معاون
مومی الیهک مطالعه سی دخی دعوی واقعه عموم
قریه اهالیسنه عائد اولدینی حالده اثنای محاکمه ده
مدعی عمومی استماع قلنامش و دعوی اولنسان
اجرت برمقاولیه منی اولوب اولدینی تحقیق
و تدقیق ایدلماش اولسنه منی اعتراضات واقعه نک
موافق قانون بولسیدینی بیانسندن عبارت
بولمشدر .

ایجابی مذاکره اولندقدن اعلام مذکور
مطالعاه سندن منقهم اولدینی اوزره دعوی واقعه
قریتین مرقومین اهالیسی بیننده سبق ایدن
دعوا دن طولای اجرت وکالت طلبندن عبارت
اولسنه کوره اجرت مذکور حقه مدعی
قوچعلی قریه سی اهالیسی وکیلک موکلی اولان
اهالی قریه ایله برکونه مقاوله سی اولوب اولدینی
تدقیق اولنهرق تبین ایده جک حاله کوره حکم
اولنق لازم کلور ایکن محکمه مذکوره جه
بوراسنک تدقیق ایدلمکسزین سالف الذکر
اجرتک تحصیلنه حکم اولنسی اصول وقانونه مغایر
و بوجهته متدائر اولان مستدعی وکیلک اعتراضی
ایله معاون مومی الیهک مطالعه سی دخی موافق
نفس الامر کورلدیکنه بناء اصول محاکمه حقوقیه
قانون موقتک ایکبوز اتوز ایکنجی ماده سی
موجبنه اعلام مذکورک تقضیه قانون من بورک
ایکبوز قرق دردنچی ماده سی حکمنه توفیقاً کیفیتک
یکیدن بالرؤیه اعلامه ربطی ضمننده محکمه
مذکوره یه اعاده سنه وزیرده مفرداتی مرقم درت
بوز قرق درت بچق غروش مصارف محاکمه نک
ایلروده حقسنر حقیقه جق طرفه رجوع ایتک
اوزره اول امرده مستدعی تمیز کاللی قریه سی

اهالیسندن النسخه ۲ کانون ثانی سنه ۳۰۸ تاریخده
متفقاً قرار ویریلرک تفهیم قلندی .

اسکیشهر بدایت محکمه سندن تجارت صفی
و ۱۹ ایلول سنه ۳۰۸ تاریخ ویکرمی بش
عددی ایل ویریلان اعلامک تمیزینی استدعایدن
اسکیشهر قصبه سنده مقیم خفاف حیطه اوغلی
اغوب وکیلی حافظ نظیف افندی ایله تمیز علیه
قصبه مذکورده ساکن عرضحالچی حق
افندیکنک یوم معینه دایره و ورود اتمار ایله
ایضاحات شفاهیه لری استماع قلندقدنصرکه تدقیقات
تمیزیه اجراسنه ابتدار اولندی .

اعلام مذکورک خلاصه مالی مومی ایله
حق افندیکنک امره محرر جیرولی برقطعه سند
موجبجه مرقوم اغوب ذمتده مطلوبی بولنان
یکرمی یدی عدد لیرای عثمانیک مع فائض تحصیل
طلب ودعوی ایتسی ولاجل الحاکمه تعیین اولنان
کونده مرقوم اغوبک اجابت ایتامسی اوزرینه
غیابنده وکیل مسسخر تعیین اولنهرق اعضای

موقته حضور ایله اجرا قلنان محاکمه و تدقیقات
نتیجه سنده سند مذکورده موضوع امضا مرقوم
اغوبک اولدینی اهل خبره جانیدن اعطا قلنان
راپور مندرجاتیله تحقق ایتش اولسنه ومؤخرأ
من بور اغوب محکمه به کله رک ذکر اولنان سندی
انکار ایتش ایتسه سند مذکورک بر منوال محرر
کندوسنک اولدینی سالف الذکر راپور ایله
متین بولنسنه بناءً مجله نیک بیک التیوز التنجی
و بیک التیوز اوننجی ماده لری موجبجه مبلغ
مذکورک مع فائض مرقوم اغوب بدن تحصیلنه
حکمدن ومستدعی تمیز اغوب وکیلی نظیف
افندیکنک اشبو اعلام علیه نه باشاوجه اعتراضی
موکلی منازعه فی سندی حاجی مرزا نامنه ویرمش
اولوب حاوی اولدینی اقچه بی دخی ذخیره ایله
داین مزبوره تسویه ایتش اولدینی حالد
هرنصله سند مذکورک استرداد ایده مدیکنی
انهای محاکمه در میان ایلمش ایکن محکمه جه
ادعای مذکورینک نظردفته النامسی مغایر قانون
اولدیقندن بجنله اعلامک تقضی استدعاسندن
و تمیز علیه حق افندیکنک نتیجه جوابی دخی حکم
واقع موافق قانون اولدینی و اعتراضات مذکور
واهی بولندینی بیانیله ردی و اعلامک تصدیق
طلبندن عبارت بولنمشدر .

اعلان

ایجابی مذاکره اولندقدن اعلام مذکور
مطالعہ سندن مفهم اولدینی اوزره مستند ادعا
اولان سند هر تقدیر امره محرر ایتسه فائض
مقاوله سی متضمن اولسنیله سندات ممتازده دن
معدود اوله میوب سند عادی حکمنده بولنسنه
کوره دعوی مذکورک حق عادیه صفتیله
فصل و حسمی لازم کلور کن اسکیشهر بدایت
محکمه سنجه بوراسنه دقت اولنیه رق اعضای موقته
حضور و تجارت محکمه سی صفی ایله بر منوال
محرر رؤیت و حکم ایدلسی بغیر اصول وقانون
اولدینه بناءً اصول محاکمه حقوقیه قانون موقتک
ایکیوز اوتوز اوننجی ماده سی موجبجه اعلام
مذکورک تقضیله قانون مزبورک ایکیوز قرق
دردنجی ماده سی حکمنه توفیقاً کیفیتک صورت
مشروحه دایره سنده یکیدن بالرؤیه اعلامه ربطی
ضمننده محکمه مذکوریه اعاده سنه و زیرده
مفرداتی محرر در تیوز اون درت بحیق غروش
مصارف تمیزیه نیک ایلروده حق سز حقیقه جق طرفه
رجوع ایتک اوزره اول امرده مستدعی تمیز
اغوب بدن استیفا سنه ۲۷ تموز سنه ۳۰۹ تاریخده
متفقاً قرار ویریلرک تفهیم قلندی .

میخال ولد خرستونک بفرچوان ایلیا ولد
یاقو ذمتده در سعادت بدایت محکمه سی ایکنجی
حقوق دائره سی اعلامیله محکوم به الاجبی اولان
مبالغت تأمین استیفا سی ضمننده طرفین موافقتیله
فروختی قرارلشدیریلان یدی قله ده کورکچی باشی
حاجی حسین اغا محله سنده واقع برقطعه بوستانک
ایکیوز سهم اعتباریله مدیونک پدری یاقودن
انتقالی لازم کلان اون درت سهم حصه سنک
بوندن اقدام اجرا قلنان مزایده نتیجه سنده
لیرای عثمانی یوز غروشیدن اولق اوزره بیک
اوجیوز الی غروش بدل ایله داین میخال عهده .
سند تقریر ایتش ومدت مزایده نیک انقضاسنه مبنی
موقتاً قرارداد سی کشیده قلنمش اولدیقندن بوندن
زیاده به یعنی یوزده بش ضمیمه طالب اولنلرک ودها زیاده
معلومات المق استیفا نلرک تاریخ اعلاندن اعتباراً اوتوز
برکون طرفنده دائره اجرایه مراجمتله پی سورملری
لازم کله جکی ومدت مذکورک ختا مندن صکره
ضم و قوع بولدینی تقدیرده قبول اولنیه رق طالبی

عهده سینه فراغ معامله سنك اجرا قلنه جنی در سعادت
اعلامات نظامیه اجراء اثره سندن اعلان اولنور .

فی ۲۸ تموز سنه ۳۰۹

اوچوز سکر سنه سی کانون اولنک اوننجی
پنجشنبه کونی اطه بازاری قضا سنك صبا نجه
ناحیه سنه تابع منونیه قریه سی سکنه سندن و باطوم
مهاجر لرندن ممش اوغلی عبداللهی قتل ایلملرنندن
طولانی مظنون علیه اولوب حال فرارده بولممش
وازمید بدایت محکمه سی جزا دائره سنده محاکمه لری
اجرا اولنق اوزره در سعادت هیئت اتهامیه سندن
۴ مایس سنه ۳۰۹ تاریخله ویریلان مضبوطه ده
اتهام ایلمش اولان و اوصاف و اشکال میزه سی
اوراق تحقیقه ده غیر مضبوط بولنان قریه مرقومه
ساکنلرنندن و مهاجرین مرقومه دن علی اوغلی
عثمان و برادری علی اوغلی محمد حق لرنده هیئت
مد کورده دن اخذ و گرفت امری دخی ویرلدیکی
حاله هنوز در دست اولنه مامش اولملریه مرقومان
قانونه اطاعتله دائره مذ کوره یه کلری ایچون
اصول محاکمات جزائییه قانوننک اوچوز یتمش
برنجی ماده سی موجب نجه تاریخ اعلاندن اعتباراً
طرف ریاستدن مجدداً اون کون مهل ویرلمش

اولمقله مدت مذ کوره ظرفنده دخی مرقومان
ینه کلدکری تقدیرده قانونه اطاعت ایتمامش نظریه
باقیله رق محاکمه غیاییه لری بالا اجرا حقوق مدنیه دن
اسقاط و اموالی حجز ایدیله جکی و مرقومانک
بو بایده دعوا یه حق اوله میه جنی کبی بولندقلری
محلی بیلنلر خبر ویرمهک بالجله ضابطه عدلیه
مأمورلرینک مرقومی طومغه مجبور بولندقلری
بیانیله اعلان کیفیت قرار ویرلدی .

فی ۹ اغستوس سنه ۳۰۹

پولیس افرادندن شوکت افندی به رشوت
ویرلرند طولانی متهماً موقوف بولنان کیر یاقونک
رفیق اولوب حال فرارده بولنان اوزونجه بوبلی
قرال قاشلی صاری الا کوزلی بیوک برونی صاری
بیقلی مطروش چکلی بیاضجه یوزلی یکر می بش
باشنده نوشهرلی اولوب تحت القلعه ده حصر جیلرده
قهوه جیلک ایدن یوان ولد یاقوفک الآن الله
ایدیله مامش اولدیفندن اصول محاکمات جزائییه
قانوننک اوچوز یتمش برنجی ماده سنه توفیقاً تاریخ
اعلاندن اعتباراً محکمه یه کلک اوزره فراری
مرقومه مقام ریاستدن مجدداً اون کون مهل

ویرلمش اولمقله مدت مذ کوره ظرفنده محکمه یه
کلدیکی تقدیرده قانونه اطاعت ایتمامش نظریه
باقیله رق محاکمه غیاییه سی بالا اجرا حقوق مدنیه دن
اسقاط و اموالی حجز ایدیله جکی و بو بایده برکونه
دعوی اقامه سنه حق اوله میه جنی کبی بولندقی
محلی بیلانلر خبر ویرمهک و بالجله ضابطه عدلیه
مأمورلرینک کندوسنی طومغه مجبور اولدقلری
بیانیله اعلان کیفیت اولنور .

فی ۲۳ اغستوس سنه ۳۰۹

یکن زاده احمد نوری بکک خزینه جلیله یه
بدل التزامدن و کوچک چکمه جه قضای زراعت
باقی شعبه سی جهت کفالتدن طولانی دینی بولنان
مبالغ معلومه نک تأمین استیفاسی ضمننده حجز
و فروختی قضاء مزبور بدایت محکمه سندن توارد
ایدن تحریر اتده محرر کفیل مومی الیهک عهده
تصرفنده بولنان لاله ایده چقور چشمه قربنده
کال پاشا محله سنده یشیل طلومبه زقاغنده واقع
بر نومرو ایله مرقم و تخمیناً یوز یتمش آرشون
اوزرینه مبنی فوقانی و تحتانی صغیر و کبیر اون
اوطه یی و مشتملات سائره یی حاوی بر باب خانه نک
تمامی تاریخ اعلاندن اعتباراً اون بش کون صکره
بلزایده فروخته تشبث اولنه جنی در سعادت

فاطمه سرافسر خانمک سرادا خانم ذمتنده
با اعلام الاجنی اولان مبالغ تأمین استیفاسی
ضمننده مخجوز بولنان اسکدارده قاسم اغا محله سنده
تحتروانچی باشی سواقاغنده کائن درت نومرولی
خانه نک باغچه سندن مدیونه مومی الیه حصه سنه
اصابت ایدن ثلث حصه باغچه عندالمزایده لیرایوز
غروش حساسیله بیک التیوز غروش بدل ایله
طالبی عهده سنده تقرر ایدرک تاریخ اعلاندن اعتباراً
بر ماه ختامنده قرار قطعیسی ویریله جکی جه تله
یوزده بش ضمیله زیاده یه طالب اولنلرک مدت

اعلامات نظاميه اجرا دائره سندن اعلان اولنور .

في ۲۳ اغستوس سنه ۳۰۹



قاديستو قادينك درسعات بدايت محكمه مي
برنجي حقوق دائره سندن استحصا ايلديكي اعلام
موجبچه مانيفاطوره جي پلاس ذمتده الاجني
بولنان مبالغ معلومه نك تامين استيفاسي ضمنده
محجوز و فروختي قرارلشديريلان يدي قله جوارنده
ميراخور الياس بك محله سنده نارلي قيو چشمه مي
سوقاغنده واقع مكرر بش نومرولي خانه تمامك
تاريخ اعلاندن اعتباراً اون بش كون صكره
بالمزايده فروخته تشبث اولنه جني درسعات
اعلامات نظاميه اجرا دائره سندن اعلان
اولنور .

في ۲۵ اغستوس سنه ۳۰۹



ابراهيم افانك درسعات برنجي حقوق

دائره سندن صادر اولان اعلام موجبچه سقا
اصنافندن محمد اغا ذمتده الاجني اولان مبالغ
معلومه نك تامين استيفاسي ضمنده تحت حجزه
الديريلوب فروختي قرارلشديريلان چارشوي
كبرده تركچيلر سوقاغنده واقع قرق طقوز
نومرولي بر باب دكانده متصرف اولديني ربع
حصه كدك ايله التي حصه اعتباريله بر بچق حصه
ملككك اجرا قلنان مزايده نتيجه سنده ايراي
عثماني يوز غروش حسابيله ايكي بيك غروشده
طالب عهده سنده تقرر ايتمش و مدتك انقضاسنه
مبنی موقتاً قراردادده سي كشيده قلنمش اولديقندن
بوندن زياده يه يعني يوزده بش ضميله طالب
اولنلرك ودها زياده معلومات المقي استيانلرك تاريخ
اعلاندن اعتباراً اوتوز بر كونه قدر بي اقچه لريله
برابر دائره اجرايه مراجعتله بي سوره لر و مدت
مذكوره نك انقضاسندن صكره ضم قبول اولتيمه جني
درسعات اعلامات نظاميه اجرا دائره سندن
اعلان اولنور .

في ۲۸ اغستوس سنه ۳۰۹

(مطبعة عامر ده طبع اولمشدر)